



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ex Illvstrissimo Cardinali Bellarmino Epitome
Controuersiarum Omnia huius Aeui
Lvthero-Calvinisticarvm Sub diuersis Titulis bis
Quadripertitis digestarum**

Coppenstein, Johann Andreas

Mogvntiae, 1624

XCV. Cur instituta sint ieunia quaedam breuiora, diaria, ac stata?

urn:nbn:de:hbz:466:1-11726

Iesphorum Papam creatum anno 142. martyrio coronatum anno 154. testibus Baronio & Bzouio annis iisdem.

VARIETAS Ieiunij ut multa varias apud nationes fuit, ita nil idem officit constanti vnius Quadragesimæ traditioni: vide Bell. l. 2. c. 15.

RATIO Quadragesimæ CALVINO est να καινοζηλια: Kemnitius, assignari rationes solitas ab Theologis recitasse, ait esse eas refutasse. Recitentur itaque.

AVTOR. Institutæ Quadragesimæ rationes feruntur vii. i. S. Leo serm. 4. de quadrag. Ut in XL. diebus aliorum temporum culpas, & pia opera redimerent, & ieiunia casta decoquerent.

2. S. Hieron. in Iona 3. Dominus XL. dies ieiunauit, ut hereditatem nobis ieiunij derelinquens ad eum Corporis sui, sub hoc numero animas nostras prepararet.

3. Tert. l. de ieu. Ut impletetur illud Mat. 9. Cum auferetur sponsus, TVNC ieiunabunt.

4. S. Leo serm. 12. Quod dignius celebretur Passio & Resurrectio Christi; Ut, in cuius Resurrectione sumus conresuscitati; in ipso inueniamur Passione com mortui.

5. Ob Catechumenos, ait S. Ambr. Ut XL. dierum circulo ieiunantes, (ceu Hc lias) spiritalem baptismatis pluiam mereamur, & longam gentilium siccitatem laucri inundatio salutaris irroret.

6. Cassianus Collat. 21. c. 27. ut quas decimas de anno dependamus Deo.

7. S. Ignatius epist. ad Philip. Ieiunandum Quadragesimam, quia Imitationem continet conuersationis Domini: Sic & S. Patres cæteri, Basil. Nazian. Hieron. Chry. Aug. Ambt. &c.

Dominus tamen ieiunauit à Ia-

nuarij 6. vsque ad 14. Febr. Voluit autem Ecclesia post Dominum, quam cū Domino ieiunare. Et ut ieiunium iungeret Passionis Resurrectionisque celebrationi, Item, in vere innouante se natura tentationes surgunt carnis acciores: Tempusq; illud est omnium aptissimum ad ieiunandum.

INSTANT Caluinus Iesum non ieiunasse ad Imitationem nostram: Quia 1. Oportuisset eum quotannis ieiunasse: 2. Non omni abstinuisse cibo: 3. Et Moyses XL. diebus ieiunauit, non tamen idecirco fuit institutum ieiunium, aut tractum ad imitationem.

DICO AD I. Sic Domino placuit, qui solum una die tentatus fuit; nos quotannis læpe tentamur, ideo & quotannis ieiunamus.

AD II. Imitamur Magistrum in abstinenti aliqua, non in omnimoda Dominum; id enim virtutis est; hoc miraculi: Ita Greg. Nazian.

AD III. Nusquam legitur Moyses datus in exemplum; at Christus, Ioan. 13. Exemplum dedi vobis. 1. Pet. 2. Eph. 5.

QUÆSTIO XCV.

Cur instituta sint ieiunia quædam breviora, & stata?

LUTHERANVS Kemnitius par. 4. Exam. pag. 57⁸. Ieiunij in feria quarta & sexta causam fingit; quod ijs diebus ad audiendum Dei verbum conueniebatur.

AVTOR. At tunc maximè Dominicis ieiunasse oportuisset, quibus vbiique prædicabatur; & tamen ijs ieiunari vetabatur, teste S. Aug. epist 86. & 119.

CAVS A igitur vera est de feria quarta, quod éa Dominus sit prædictus; lexata, quod crucifixus. Ita Clemens lib. 5.

Apost. Constit. c. 16. S. Aug. epist. 86. Hæc verò est memoria ablati Sponsi, ait *S. Epiph.*, ac monet, si Natalis Christi in eorum aliquem dierum venerit, tūc non iejunari, vel abstineri: Idque ex lege Ecclesiæ. Lex ea tenuit Græciā totā; at in Latina Ecclesia præceptū deferia quarta transit in Sabbatum; ut hodieque perstat Custode consuetudine ac lege. *Bell. I. 2. c. 18.*

II. LUTHERANVS Kemnitius iejunium quatuor temporum ē medio vult sublatum.

SVAD ET ISTITIS. 1. Quia Tertullianus ait nullum ab Apostolis impositum esse iejunium sub præcepto præter Paschale.

2. Hieronymus ait vnam iejunari Quadragesimam: et tera iejunia esse voluntatis, non Necessitatis.

3. Quia Iudei ea iejunia ex proprio cerebro instaurant; ideoque ab Zacharia, c. 8. reprehensuntur. Neque fas Christianis, imitari Iudeos: nam cacozelii est.

AVTOR. I. ORIGO iejunii quatuor temporum; sicut Quadragesimæ superas; inde ab Traditione Apostolica deducitur.

1. Quia ita *S. Leo serm. 2. de ieiun. Pentec.* & *serm. 8. de ieiun. septimi.* Idem *serm. 7.* testatur id Vniuersale esse per Ecclesiam.

2. *Deinde:* ab nullo Oecumenico Conc. reperitur institutum.

3. Accedit, Callistus Papa, sub annum 223. *epist. ad Benedictum*, affirmat seruari id consuetum iam diu antè.

4. De eo *Act. 27. Ieiunium iam præterierat*, sc. solenne ac statum decimi mensis: quo Ecclesia iejunare suevit ob Ordinationes; ut liqueret *Act. 13.* & fatentur Sectarij.

II. VARIETAS in eo duplex accidit.

1. Principio trium id temporum erat; dein *S. Callistus* addidit quartum.

2. Ea quatuor iejunia non eadem eiusdem mensis hebdoma celebabant omnes.

III. CAVS & instituti sunt istæ.

1. Imitatio Iudeorum; & hæc iusta ac pia: quia ijs erat Morale, non Ceremoniale seu Iudiciale institutum: cùm nil præfiguraret futurum. *Ita S. Callistus, Leo. &c.*

2. Ordinationes Clericorum, vt eas fortunaret Deus. *Gelasius epist. 1.*

3. Fruges terræ; quò Deus eas servarer, & pro iis gratias referrent fideles. *S. Leo serm. 2. 5. 8.*

4. Vt, sicut erat iejunium annuum, & hebdomadarium; ita & eslet trimestre.

Dico *AD I.* Tertullianus fregit tē seram fidei in causa iejunij; vti Montanista. *Dein* Instituerint Apostoli sine addito præcepto & annum & trimestre; at *Callistus* præceptum addidit, remittente caritate ac zelo.

AD II. Dixerat *S. Hier.* Montanistas iejunare sub præcepto tres Quadragesimas; vnam Catholicos; subiunxit: *Non quod per totum annum iejunare non licet; sed quod aliud sit Necessitate, aliud Voluntate munus offerre.* At de necessitate præcepti erat iejunium annum, trimestre, & hebdomadale: cetera, cuiusque voluntatis.

AD III. Zacharias reprehendit non iejunia in se bona; sed iejunantes male. Ita *Hier. Theod. Rupertus, Leo. &c.* Et verò Christianis fas, in iejunis, aliquibus imitari Iudeos, docet *Sanctus Augustinus.*

& *S. Leo.*

F I N I S.